



SIUMUT
INATSISARTUT

26. august 2014

UKA 2014/96

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara:

Nunatta avannaani aalisakkanik misissuvimmik Pinngortitaleriffiup ataaniittussamik pilersitsisinhaaneq periarfissaanersoq UKA2015-imut Naalakkersuisut misissuinermik suliaqaqqullugit peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Karl-Kristian Kruse, Siumut)

Tunngavilersuut:

Nunatta avannaani aalisakkanik misissuvimmik pilersitsisinhaaneq periarfissaanersoq misissoqqullugu matumuuna siunnersuuteqarpunga, isumaqarama aalisakkat amerlassusaat pillugit pitsaanerusumik paasissutissatigut katersuisariaqartugut, aalisakkallu avammut niuerutigineqartut pillugit aamma paasissutissanik pitsaanerusumik katersuisariaqaratta.

Ukiuni makkunani MSC-mik meqqilersuineq annertunerujartortumik atorneqaleriartorpoq, sukumiilluartumik toqqammaveqarluni nalilersuinerit ingerlanneqarnissaat pingaartinneqarmat. Taamaattumik isumaqarpunga siunissami aalisakkanik misissuvimmik pilersitsinissaq avaqqussinnaanngikkippuit, ilaatigut MSC-mik meqqilersuinermi paasissutissanik pitsaanerpaanik pissarsisarnissamut aqqtissaammat.

Pinngortitaleriffiup sulinermini paasissutissat nalilersuinerillu ilisimalersimasat saqqummiuttagaatt eqqarsaatigalugit, innutaasut Pinngortitaleriffiullu akornanni isumaqtigiiinggittoqartarpoq. Taamaattariaqanngilarli.

Aalisakkanik misissuivik pilersissagutsigu, siunissaq ungasinnerusoq eqqarsaatigalugu, pisuussutitta uumassusillit piujuarnissaannut tapertaaqataalluassaaq, ukioq kaajallallugu paasissutissanik suliarinnissinnaasoq. Aamma najukkami sinniisut peqatigalugit isumaqtigiiinggissutaasinnaasut pinngitsoortinnejqarsinnaalissapput, ilisimatusarneq aallaavigalugu oqaloqatigiiinnikkut attaveqaqatigiinnikkullu.

Aalisarfinni aalisarfionngitsunilu paasissutissanik katersinermi nalilersuisinnaanngussaagut, tamannalu siunissami piujuannartitsinissaq eqqarsaatigalugu iluaqutaassaaq, tamakkualu paasissutissat aamma aalisakkat avammut tuniniarneqartussat eqqarsaatigalugit MSC-mik meqqiliisinnaanermut tunngaviliisuusinnaapput.

Aalisakkanik misissuivik Pinngortitaleriffiup ataaniittussaq, siunissami aalisarnermik inuussutissarsiuteqarnerup ineriartortinnejqarneranut tunngaviliisuussaaq.

Taamatut siunnersuuteqarlunga Inatsisartunut ilaasortat oqallilluarnissaat kissaatingaara.

Siunnersuutip aningaasatigut allaffisornikkullu kinguneqaatissai

Misissuineq allaffissornikkut aningaasartuutanissa naatsorsuutigineqarpoq, ukiup affaanik sulinermik naleqartumik (250.000 kr.-nit missaani).

**Siunnersuutip aningaasatigut allaffisornikkullu namminersorlutik
inuussutissarsiuteqartunut kinguneqaatissai**
Soqanngilaq.

Siunnersuutip aningaasatigut allaffisornikkullu innuttaasunut kinguneqaatissai
Soqanngilaq.